

DISCOVRS

MERVEILLEUX ESPOV-
VENTABLE DE NOUVEAV
aduenu à la Rochelle.

A PARIS.

Iouxtela coppie imprimee a Roüen
par Pierre Courant.

M. D. LXXVIII.




DISCOVRS MERVEILLEUX
ESPOVVENTABLE DE NOU-
veau aduenu en la Rochelle.

LE dernier iour du moys de Iuin,
mil cinq cens quatre vingt huit
entre dix & vnze heures du ma-
tin, arriuerent au port de la Rochelle
quatre grands Nauires : deux desquels
auoyent esté prins à la mer par les Ca-
pitaines la Taulpe & Maleuault. Où e-
stans arriuez menerent les prisonniers
qui auoyent esté trouuez dans lescits.
Nauires, par deuant le Maire de la vil-
le pour faire aduouer la prinse bonne.
Et dans l'un d'iceux Nauires prins se
trouuerēt deux notables Docteurs de
la ville d'Alcala des Nares en Castille,
& des plus grades familles d'icelle, les-
quels auoyēt esté enuoyez par la Sain-
cteté aux Indes, où ils auoyent con-

uerti grand nombre des Maures & autres infideles à la faincte foy Catholique. Le premier desquels estoit le Seigneur Antonio de Mandrague, & l'autre le Marquis Dom Diego de Sentilane. Et estans deuant ledit Maire, furent interrogez par luy de quelle nation, qualité & profession ils estoient. Et comme ils estoient prests d'être interrogez separémēt le temps se couurit, & fut si obscur pour la grande quantité d'eau qui tōboit que l'on n'eust sçeu à peine se cognoistre l'un l'autre, qu'il tomba du Ciel vne grosse & admirable pierre par l'esclat d'un foudroyant tonnerre, laquelle estoit toute sanglante, & du poix de quinze liures, presque faite en oualle, sur laquelle y auoit vne Croix en grauee, & des deux costez d'icelle vne main qui tenoit vne espee où y auoit ces mots entortillez dessus, **P O V R L A F O Y**. Et tomba premierement dans la salle dudit Maire,

qui fut cause qu'il renuoya incontinct les prisonniers iusqu'au lendemain. Et celuy qui les y auoit conduits eut les deux bras emportez par ledit tonnerre: & de la s'en alla brizer tout le deuant du Nauire appellé le Bruslemidi, dans lequel commandoit Maleuault, ou il fit vn tel degast qu'il emporta les masts & hunes d'iceluy, mettant en pieces trente-trois soldats, & dix-huit matelos de l'equippage dud't Nauire: puis s'en alla amortir dans le corps de garde de la Chaisne, ou il briza quatre rondaches, & huit cuirasses qui estoient sur vne table, & tous les moufquets & harquebuzes qui s'y trouuerent mises en pieces, & quatorze soldats de garde. Quoy entendant les Capitaines Consolant & la Morrette s'en vont á l'instant chez ledit Maire pour l'aduertir de ce que dessus. Lequel y estant arriué tout effrayé, fait incontinct porter laditte pierre de Tonnerre en sa maifõ. Mais parce qu'il

est ennemi capital du signe de la Croix
il ne la voulut monstrer publiquement
ains seulement à quelques siens intimes
& secrets amis. Deux desquels cognois-
sans qu'il y auoit quelque chose de diui-
nité en tel signe, s'en allerēt d'vn com-
mun accord se rendre & vouer le reste
de leur vie au tresdeuot et religieux
Monastere de nostre Dame du mont
Sarra: ayant emmené avec eux les doc-
teurs dessus nomméz, lesquels sans doute
estoyent en grand danger de leurs per-
sonnes. Mais il semble que Dieu se soit
voulu seruir de ces personages, tant
pour faire et celebrer son diuin seruire
que pour dōner exemple à tāt d'autres
qui suiuent encores le parti qu'ils ont
quitté.

ous oyez (O fideles Chrestiens
l'euenement miraculeux & iuste
irgemēt de Dieu, comme il pu-
nit ceux qui contreuiuent à sa volonté

& deliure miraculeusement les siens selon sa promesse qui dit qu'il a soing de nous, & que pas vn cheueu de nostre teste ne tombera sans sa volonté. Apprenons doncques par ceci à nous conuertir à luy de bõne heure, de peur que son ire ne s'embrase contre nous, qui nous foudroyent comme il fait ceux qui luy resistent : car autant nous en pend il deuant les yeux. Et luy prions de bon cœur & tresardammét qu'il luy plaise par sa sainte grace no⁹ recõcilier les vns les avec les autres, & conuertir à la sainte foy Catholique ceux qui en sont desuoyez, les reduisans à icelle par vrayes admonicions, instructions, enseignemens, exemple de bonne vie, charité Chrestienne, quittans aux Turcs & Barbares toute cruauté & inhumanité, & toutes paroles sedicieuses les vns les autres, propos & voyes d'hostilité & sanguinaires: afin qu'estant ainsi bien reconciliez ensemble par toute la

Chrestienté, chacune nation & pays vi-
ue paisiblement & vnanimemēt soubs
vn seul Dieu & son Roy, chefo u gou-
uerneur, & que si no^s faisons autremēt
& ne quittons tout appetit de vengāce
d'vne part & d'autre, nous ne verrons ia
mais ni nostre posterité apres nous la
fin de ces troubles calamitei x: & de la
Chrestienté qui s'en ensuiura, l'Empire
des Turcs barbar.s & cruels s'augment
tera, & luy serons en perpetuelle serui-
tude & soubs sa cruelle tyrannie. Priōs
à Dieu qu'il luy plaise nous faire mise-
ricorde. Ainsi soit-il.

FIN.